

შესწორებული გენდერული სახელფასო სხვაობა

1. საკონტაქტო ინფორმაცია	
1.1. საკონტაქტო ორგანიზაცია	საქართველოს სტატისტიკის ეროვნული სამსახური (საქსტატი)
1.2. საკონტაქტო ორგანიზაციის ერთეული	სოციალური სტატისტიკის დეპარტამენტი შრომის სტატისტიკის სამმართველო
1.3. საკონტაქტო პირი	ვასილ წაქაძე ირმა გვილაგა
1.4. საკონტაქტო პირის ფუნქცია	სოციალური სტატისტიკის დეპარტამენტის უფროსი შრომის სტატისტიკის სამმართველოს უფროსი
1.5. საკონტაქტო პირის საფოსტო მისამართი	ქ. თბილისი, 0180, ცოტნე დადიანის 30
1.6. საკონტაქტო პირის ელექტრონული ფოსტის მისამართი	vtsakadze@geostat.ge igvilava@geostat.ge
1.7. საკონტაქტო პირის ტელეფონი	+995 32 236 72 10 (600) +995 32 236 72 10 (608)
1.8. საკონტაქტო პირის ფაქსი	-

2. მეტამონაცემების განახლება	
2.1. მეტამონაცემების ბოლო სერტიფიცირება	2025 წ. 24 აპრილი
2.2. მეტამონაცემების ბოლო გამოქვეყნება	2025 წ. 24 აპრილი
2.3. მეტამონაცემების ბოლო განახლება	2025 წ. 24 აპრილი

3. სტატისტიკური მონაცემების წარმოდგენა	
3.1. მონაცემების აღწერა	
შესწორებული გენდერული სახელფასო სხვაობის გაანგარიშება ხდება სამუშაო ძალის გამოკვლევის მასალებიდან. სამუშაო ძალის გამოკვლევა არის შინამეურნეობების შერჩევითი გამოკვლევა. გამოკვლევის მთავარი მიზანია საქართველოში 15 წლის და უფროსი ასაკის მოსახლეობის სამუშაო ძალის სტატუსის შესახებ მონაცემების წარმოება. შესწორებული გენდერული სახელფასო სხვაობის მაჩვენებელი გაიანგარიშება 15-64 წლის დაქირავებული მოსახლეობისთვის რეგრესიული მოდელის გამოყენებით.	
3.2. კლასიფიკაციის სისტემა	
• ეკონომიკური საქმიანობის სახეების ეროვნული კლასიფიკატორი (NACE Rev. 2); • დასაქმების საერთაშორისო სტანდარტული კლასიფიკაცია (ISCO-08); • დასაქმების სტატუსის საერთაშორისო კლასიფიკატორი (ICSE-93).	
3.3. სექტორის მოცვა	
სამუშაო ძალის გამოკვლევა მოიცავს კერძო შინამეურნეობებში მცხოვრებ 15 წლის და უფროსი ასაკის პირებს. არ მოიცავს: • პირებს, რომელთა არყოფნის ხანგრძლივობა შინამეურნეობაში აღემატება 12 თვეს; • სამხედრო პირებს (გაწვეულები და სამხედრო პირები), რომლებიც ცხოვრობენ ყაზარმებში; • საპატიმროებში, ფსიქიატრიულ საავადმყოფოებში, მოხუცთა თავშესაფრებში, სკოლა-ინტერნატებსა და სხვა ინსტიტუციურ დაწესებულებებში მცხოვრებ პირებს.	
3.4. სტატისტიკური ცნებები და განსაზღვრებები	
დაქირავებული – პირი, რომელიც გამოსაკვლევი პერიოდის განმავლობაში ასრულებდა განსაზღვრულ სამუშაოს სულ მცირე ერთი საათი მაინც შრომის ანაზღაურების მიღების მიზნით, ფულადი ან ნატურის სახით, ან დროებით არ იმყოფებოდა სამუშაოზე შვებულების, ტექნიკური, ეკონომიკური ან სხვა მსგავსი მიზეზის გამო. გამოსაკვლევი პერიოდი დასაქმებისთვის – გასული 7 დღე, რომელიც უსწრებს ინტერვიუს თარიღს. გენდერული სახელფასო სხვაობა წარმოადგენს კაცისა და ქალის ხელფასებს შორის სხვაობის თანაფარდობას კაცის ხელფასთან.	

თუ გენდერული სახელფასო სხვაობა არ ითვალისწინებს დემოგრაფიულ და სამუშაო მახასიათებლებს, მას **შესწორებული გენდერული სახელფასო სხვაობა** ეწოდება. თუმცა, აღნიშნული ფაქტორების გათვალისწინების შემთხვევაშიც, კაცისა და ქალის ხელფასებს შორის სხვაობა მაინც აღინიშნება. აღნიშნული სხვაობა შრომის ანაზღაურებასთან დაკავშირებული გენდერული უთანასწორობის მაჩვენებელია.

შესწორებული გენდერული სახელფასო სხვაობის გაანგარიშება ხდება ინდივიდუალური მახასიათებლების გათვალისწინებით. მისი გაანგარიშების მეთოდოლოგია საქსტატმა დანერგა საერთაშორისო პრაქტიკის, ქვეყანაში არსებული მონაცემთა წყაროებისა და იმ მახასიათებლების ხელმისაწვდომობის გათვალისწინებით, რომლებიც შესწორებული გენდერული სახელფასო სხვაობის განმარტებულ ფაქტორებს წარმოადგენს. აღნიშნული მაჩვენებელი 15-64 წლის დაქირავებული მოსახლეობისთვის რეგრესიული მოდელის გამოყენებით ითვლება. გაანგარიშების დროს გამოიყენება მინცერის შრომის ანაზღაურების ფუნქცია (**Mincer earnings function**):

$$\ln(Y_i) = \alpha + \beta_1 \text{gender}_i + \sum \beta_j X_{ji} + \varepsilon_i$$

სადაც:

Y_i – ანაზღაურება;

Gender_i – იღებს მნიშვნელობას „1“ კაცის შემთხვევაში და იღებს მნიშვნელობას „0“ ქალის შემთხვევაში;

β_j – რეგრესიის კოეფიციენტები;

X_{ji} – პიროვნული და სამუშაოს მახასიათებლები;

β_1 – ზომავს შესწორებულ გენდერულ სახელფასო სხვაობას;

ε_i – ასახავს იმ ფაქტორების გავლენას, რომლებიც დაკვირვებადი ცვლადებით არ იზომება (აუხსნელი ნაწილი).

შესწორებული გენდერული სახელფასო სხვაობის გაანგარიშებისას გამოიყენება შემდეგი ფაქტორები:

- **დემოგრაფიული (პიროვნული) მახასიათებლები:** ასაკი, განათლების მიღწეული დონე, ოჯახური მდგომარეობა, რეგიონი, დასახლების ტიპი (ქალაქი/სოფელი);
- **სამუშაოს მახასიათებლები:** დაკავებული პოზიცია – დასაქმების საერთაშორისო სტანდარტული კლასიფიკაციის (ISCO-08) ძირითადი ჯგუფების მიხედვით, ეკონომიკური საქმიანობის სფერო – ეკონომიკური საქმიანობის სახეების კლასიფიკაციის (NACE Rev.2) სექციის დონეზე, ჩვეულებრივ ნამუშევარი საათები და ა.შ.

3.5. სტატისტიკური ერთეული

კერძო შინამეურნეობაში მცხოვრები 15 წლის და უფროსი ასაკის პირები.

3.6. სტატისტიკური პოპულაცია

სამუშაო ძალის გამოკვლევისთვის გენერალური ერთობლიობა, რომლიდანაც ხდება შერჩევა, მოიცავს ქვეყნის ყველა შინამეურნეობას მოსახლეობის საყოველთაო აღწერის მიხედვით ინსტიტუციური შინამეურნეობების გამოკლებით.

3.7. საანგარიშო არეალი

საქართველოს მთელი ტერიტორია ოკუპირებული ტერიტორიების გარდა.

3.8. დროის მოცვა

2020 წლიდან.

3.9. საბაზო პერიოდი

-

4. ზომის ერთეული

პროცენტი.

5. საანგარიშო პერიოდი

წელი.

6. ინსტიტუციური მანდატი

6.1. სამართლებრივი აქტები და სხვა შეთანხმებები

საქართველოს კანონი „ოფიციალური სტატისტიკის შესახებ“;

<https://www.geostat.ge/media/54263/საქართველოს-კანონი-ოფიციალური-სტატისტიკის-შესახებ.pdf>

სტატისტიკურ სამუშაოთა ყოველწლიური პროგრამა;

<https://www.geostat.ge/ka/modules/categories/307/statistikur-samushaota-programa>

საქართველოს სტატისტიკის ეროვნული სამსახურის დებულება.

<https://www.geostat.ge/media/20600/10%2Csaqstatis-konsolidirebuli-debuleba.pdf>

6.2. მონაცემთა გაზიარება

-

7. კონფიდენციალურობა

7.1. კონფიდენციალურობა – პოლიტიკა

- საქართველოს კანონი „ოფიციალური სტატისტიკის შესახებ“:
 - კანონის მე-5 მუხლის თანახმად, სტატისტიკური კონფიდენციალურობა და მონაცემების ექსკლუზიურად სტატისტიკური მიზნებისთვის გამოყენება – ოფიციალური სტატისტიკის მწარმოებელი ორგანოს მიერ შეგროვებული ან მიღებული ფიზიკური ან იურიდიული პირის შესახებ პერსონალური მონაცემები ან/და ინდივიდუალური მონაცემები კონფიდენციალური უნდა იყოს და მხოლოდ სტატისტიკური მიზნებისთვის უნდა იქნეს გამოყენებული.
 - კანონის 34-ე მუხლის (მონაცემთა კონფიდენციალურობის დაცვა) თანახმად, 1. ოფიციალური სტატისტიკის წარმოების მიზნით შეგროვებული, დამუშავებული და შენახული მონაცემები კონფიდენციალურია, თუ ეს მონაცემები სტატისტიკური ერთეულის პირდაპირი იდენტიფიცირების ან არაპირდაპირი იდენტიფიცირების საშუალებას იძლევა. ამასთანავე, აგრეგირებული მონაცემები კონფიდენციალურად მიიჩნევა, თუ: ა) ეს მონაცემები არაუმეტეს 3 სტატისტიკურ ერთეულს ეხება და აღნიშნული მონაცემებით შესაძლებელია ერთ-ერთის არაპირდაპირი იდენტიფიცირება ან/და მქდავდება ამ ერთეულის/ერთეულების შესახებ კონფიდენციალური მონაცემები. 3-ზე მეტი სტატისტიკური ერთეულის შესახებ აგრეგირებული მონაცემები შეიძლება მიჩნეულ იქნეს კონფიდენციალურ მონაცემებად საქსტატის აღმასრულებელი დირექტორის გადაწყვეტილებით, თუ საჭიროა ამ მონაცემების კონფიდენციალურობის დაცვის უზრუნველყოფა; ბ) ეს მონაცემები „სახელმწიფო საიდუმლოების შესახებ“ საქართველოს კანონით სახელმწიფო საიდუმლოებად არის მიჩნეული. 2. კონფიდენციალური მონაცემები შეიძლება გამოყენებულ იქნეს ამ კანონის შესაბამისად ექსკლუზიურად სტატისტიკის წარმოებისთვის. 3. ადმინისტრაციული ორგანოს შესახებ სტატისტიკური მონაცემები არ შეიძლება მიჩნეულ იქნეს კონფიდენციალურ ინფორმაციად, გარდა „სახელმწიფო საიდუმლოების შესახებ“ საქართველოს კანონით განსაზღვრული ინფორმაციისა. 4. საჯაროდ ხელმისაწვდომი წყაროდან მიღებული ინდივიდუალური მონაცემები, რომლებიც საქართველოს კანონმდებლობით საჯარო ინფორმაციად არის მიჩნეული, არ ითვლება კონფიდენციალურ ინფორმაციად. 5. კონფიდენციალური ინდივიდუალური მონაცემების გამოქვეყნება შესაძლებელია, თუ არსებობს სტატისტიკური ერთეულის წერილობითი თანხმობა ამ მონაცემების გამოქვეყნებაზე. 6. კონფიდენციალური მონაცემების გაცემა, გავრცელება ან არასტატისტიკური მიზნებისთვის გამოყენება დაუშვებელია.
 - კანონის 38-ე მუხლის თანახმად, ოფიციალური სტატისტიკის მწარმოებელი ორგანოს თანამშრომლებს ეკრძალებათ სტატისტიკური მიზნებისთვის შეგროვებული და დამუშავებული კონფიდენციალური სტატისტიკური მონაცემების პირადი, აკადემიური, სამეცნიერო ან სხვა საქმიანობისთვის გამოყენება და გავრცელება.
<https://www.geostat.ge/media/54263/საქართველოს-კანონი-ოფიციალური-სტატისტიკის-შესახებ.pdf>
- „საქართველოს სტატისტიკის ეროვნულ სამსახურში მონაცემების კონფიდენციალურობის დაცვის პოლიტიკა“
https://www.geostat.ge/media/60538/konfidencialurobis-politika_2024.pdf
- „კონფიდენციალური მონაცემების სამეცნიერო-კვლევითი მიზნებისთვის ხელმისაწვდომობის უზრუნველყოფის წესი“
<https://www.geostat.ge/media/61497/დადგენილება--3.pdf>
- საქართველოს კანონი „პერსონალურ მონაცემთა დაცვის შესახებ“.
<https://matsne.gov.ge/ka/document/view/1561437>

7.2. კონფიდენციალურობა – მონაცემებთან მოპყრობა

- კონფიდენციალურობის დაცვის სახელმძღვანელოები.
- საქსტატში დასაქმებულის მიერ წერილობით აღიარებული ვალდებულებები სამსახურებრივი საქმიანობის შედეგად მიღებული/შეგროვებული მონაცემების კონფიდენციალურობის უზრუნველყოფის შესახებ.

8. გამოქვეყნების პოლიტიკა

8.1. გამოქვეყნების კალენდარი

მონაცემთა გავრცელების თარიღები განსაზღვრულია სტატისტიკური სამუშაოების პროგრამის საფუძველზე შემუშავებული კალენდრით, რომელიც განთავსებულია საქსტატის ვებსაიტზე და საჯაროდ ხელმისაწვდომია.

8.2. გამოქვეყნების კალენდარზე ხელმისაწვდომობა

<https://www.geostat.ge/ka/calendar>

8.3. მომხმარებლისთვის ხელმისაწვდომობა

მონაცემები ხელმისაწვდომია ყველა კატეგორიის მომხმარებლისთვის ერთდროულად.

9. გავრცელების სიხშირე

წლიური.

10. ხელმისაწვდომობა და მკაფიოობა

10.1. პრეს-რელიზები

პრეს-რელიზი ვრცელდება გამოკვლევის შედეგებთან ერთად:

<https://www.geostat.ge/ka/single-news/3286/shestsoresbuli-genderuli-sakhelfaso-skhvaoba-2023-tseli>

10.2. პუბლიკაციები

სტატისტიკური პუბლიკაცია „ქალი და კაცი საქართველოში“:

<https://www.geostat.ge/ka/single-categories/115/genderuli-statistika>

10.3. ონლაინ მონაცემთა ბაზა

მონაცემები განთავსებულია საქსტატის ვებსაიტზე PC-Axis-ის მონაცემთა ბაზაში:

https://pc-axis.geostat.ge/PXweb/pxweb/ka/Database/Database_Gender%20Statistics_Income/Adj_GpG_by_Year_Ec_A.px/?rxid=52cb5a1c-8fd6-4250-b586-fcf8cd9bb0f2

და გენდერული სტატისტიკის პორტალზე:

<https://gender.geostat.ge/gender/index.php?action=Income>

10.4. მიკრომონაცემების ხელმისაწვდომობა

„კონფიდენციალური მონაცემების სამეცნიერო-კვლევითი მიზნებისთვის ხელმისაწვდომობის უზრუნველყოფის წესის“ მიხედვით „ოფიციალური სტატისტიკის შესახებ“ საქართველოს კანონი სამეცნიერო პროგრესის ხელშესაწყობად მომხმარებლებს აძლევს საშუალებას მიიღონ წვდომა ინდივიდუალურ მონაცემებზე. ინდივიდუალური მონაცემების ფაილებში წაშლილია ყველა პირდაპირი და არაპირდაპირი იდენტიფიკატორი, როგორცაა, მაგალითად, პირადი ნომერი, მისამართი და სახელი. ექსტრემალური მნიშვნელობები და მსგავსი არაპირდაპირი იდენტიფიკატორები კი მოსწორებულია შესაბამისი სტატისტიკური მეთოდების გამოყენებით. გამჟღავნების რისკის მინიმუმამდე დასაყვანად ყველა ფაილი სათანადოდ არის ანონიმიზებული:

https://www.geostat.ge/media/60538/konfidencialurobis-politika_2024.pdf

სამუშაო ძალის გამოკვლევის ანონიმიზებული მიკრომონაცემები SPSS-ის ფორმატში ხელმისაწვდომია საქსტატის ვებსაიტზე, შემდეგ მისამართზე:

<https://www.geostat.ge/ka/modules/categories/130/samushao-dzalis-gamokvlevis-monatsemta-bazebi>

10.5. სხვა

ოფიციალური სტატისტიკის შესახებ კანონის თანახმად, სტატისტიკური მონაცემები საჯაროა და საქსტატი უზრუნველყოფს სტატისტიკური მონაცემების მიწოდებას ყველა მომხმარებლისათვის ელექტრონული თუ წერილობითი მოთხოვნის საფუძველზე.

10.6. დოკუმენტაცია მეთოდოლოგიაზე

-

10.7. დოკუმენტაცია ხარისხის შესახებ

-

11. ხარისხის მართვა

11.1. ხარისხის უზრუნველყოფა

სტატისტიკური პროცესების და პროდუქტების ხარისხის უზრუნველსაყოფად საქსტატი ხელმძღვანელობს ოფიციალური სტატისტიკის შესახებ საქართველოს კანონის მე-10 თავით „ოფიციალური სტატისტიკის ხარისხი“, აგრეთვე ევროპის სტატისტიკის პრაქტიკის კოდექსით, გაეროს ოფიციალური სტატისტიკის ფუნდამენტური პრინციპებით და ევროპის სტატისტიკის სისტემის ხარისხის უზრუნველყოფის ჩარჩოთი (ESS QAF).

11.2. ხარისხის შეფასება

საქსტატის მეთოდოლოგიის და ხარისხის მართვის სამმართველო დარგობრივ დეპარტამენტებთან ერთად პასუხისმგებელია წარმოებული სტატისტიკური პროდუქტების და პროცესების ხარისხზე. სამმართველო ატარებს სტატისტიკური პროცესების ხარისხის აუდიტს, თვითშეფასების გამოკვლევას და აფასებს სტატისტიკური პროდუქტებისა და პროცესების ხარისხთან დაკავშირებულ რისკებს. საქსტატში შემუშავებულია პოლიტიკის დოკუმენტები, სახელმძღვანელოები და სამუშაო პროცესების აღწერილობები. ეს დოკუმენტები უზრუნველყოფენ სტატისტიკური პროცესების და პროდუქტების სტანდარტიზებას და ხარისხის უზრუნველყოფის ერთიანი სისტემის ჩამოყალიბებას.

საქსტატის ხარისხის პოლიტიკა ხელმისაწვდომია საქსტატის ვებსაიტზე:

https://www.geostat.ge/media/44379/QP_Geostat_GE.pdf

12. შესაბამისობა

12.1. მომხმარებელთა მოთხოვნები

გენდერული სახელფასო სხვაობის მომხმარებლები არიან: სახელმწიფო უწყებები, საერთაშორისო ორგანიზაციები, მკვლევრები, ადამიანის უფლებათა დამცველი ორგანიზაციები და ა.შ. მომხმარებლები აღნიშნულ მონაცემებს იყენებენ საქართველოში შრომის ბაზარზე არსებული გენდერული უთანასწორობის შესაფასებლად.

12.2. მომხმარებელთა კმაყოფილება

2023 წელს ჩატარდა მომხმარებელთა კმაყოფილების გამოკვლევა, რომლის მიზანი იყო მომხმარებლების მიერ სტატისტიკური მონაცემების ხარისხის შეფასების ანალიზი და მომხმარებელთა მომსახურების გაუმჯობესების გზების შესწავლა. გამოკვლევის ანგარიში განთავსებულია საქსტატის ვებსაიტზე:

<https://www.geostat.ge/ka/page/customer-service>

12.3. სისრულე

მონაცემები შეესაბამება საერთაშორისო სტანდარტებს.

13. სიზუსტე და სანდოობა

13.1. ზოგადი სიზუსტე

სამუშაო ძალის გამოკვლევა ეფუძნება შერჩევით მეთოდს. ჩვეულებრივ, ამ პროცესს თან ახლავს სტატისტიკური გადახრის (ცდომილების) არსებობა. შესაბამისად, გამოკვლევის შედეგების გაანგარიშებისას მხედველობაში მიიღება შერჩევის სტრანდარტული გადახრა.

13.2. შერჩევითი ცდომილება

გამოკვლევის შერჩევის ზომა შეადგენს დაახლოებით 6 400 შინამეურნეობას კვარტალში. 2023 წელს შინამეურნეობების გამოკვლევის დონემ, რომელიც არის კვლევაში მონაწილე (გამოკითხული) და კვლევისთვის შერჩეული შინამეურნეობების ფარდობა, შეადგინა 83.1 პროცენტი. ცხრილში წარმოდგენილია შესწორებული გენდერული სახელფასო სხვაობის სტანდარტული ცდომილება, ნდობის ინტერვალი და ვარიაციის კოეფიციენტი:

	სტანდარტული ცდომილება	95%-იანი ნდობის ინტერვალი		ვარიაციის კოეფიციენტი
		ქვედა ზღვარი	ზედა ზღვარი	
შესწორებული გენდერული სახელფასო სხვაობა (საათობრივი), %	1.1	11.0	15.4	8.7
შესწორებული გენდერული სახელფასო სხვაობა (ყოველთვიური), %	1.0	18.9	22.9	4.9

13.3. არაშერჩევითი ცდომილება

არაშერჩევითი ცდომილება შეიძლება გამოწვეული იყოს გამოუპასუხებლობით – რესპონდენტის მხრიდან ინფორმაციის მოწოდებაზე უარის თქმით; ინფორმაციის არაზუსტად ან არასრულად მოწოდებით, აგრეთვე რესპონდენტის ნაცვლად შინამეურნეობის სხვა წევრის გამოკითხვით.

არაშერჩევითი ცდომილების მინიმიზაციისა და უშუალოდ რესპონდენტის გამოკითხვის მიზნით ინტერვიუერმა შინამეურნეობაში უნდა განხორციელოს 3 ვიზიტი.

14. დროულობა და პუნქტუალურობა
14.1. დროულობა
შესწორებული გენდერული სახელფასო სხვაობა ვრცელდება წლიურად, საანგარიშო წლის მომდევნო წლის ოქტომბერში.
14.2. პუნქტუალურობა
მონაცემთა გამოქვეყნება ხდება სტატისტიკური სამუშაოების პროგრამაში მითითებული თარიღის შესაბამისად. გამოქვეყნების თარიღების დარღვევის ფაქტს ადგილი არ ჰქონია.

15. თანამიმდევრულობა და შესადარისობა
15.1. შესადარისობა – გეოგრაფიული
-
15.2. შესადარისობა – დროში
დროითი მწკრივის მონაცემები ერთმანეთთან შესადარისია.
15.3. თანამიმდევრულობა – სტატისტიკურ მიმართულებებს შორის
შესადარისობა საწარმოებისა და ორგანიზაციების გამოკვლევის მაჩვენებელთან: • შესწორებული გენდერული სახელფასო სხვაობა გაანგარიშებულია სამუშაო ძალის გამოკვლევის მონაცემებზე დაყრდნობით, რაც ითვალისწინებს ინდივიდების დემოგრაფიულ და სამუშაო მახასიათებლებს. გამოკვლევის ფარგლებში მონაცემების შეგროვება ხორციელდება რესპონდენტის პირისპირ გამოკითხვის მეთოდით. • საწარმოებისა და ორგანიზაციების გამოკვლევის მონაცემების საფუძველზე შესაძლებელია მხოლოდ შეუსწორებელი გენდერული სახელფასო სხვაობის გაანგარიშება, რომელიც არ ითვალისწინებს ინდივიდების დემოგრაფიულ და სამუშაო მახასიათებლებს. ამ გამოკვლევაში ხელფასების მონაცემები ეფუძნება საწარმოებისა და ორგანიზაციების მიერ წარმოდგენილ მონაცემებს. • სამუშაო ძალის გამოკვლევა მოიცავს როგორც ფორმალურ, ისე არაფორმალურ დასაქმებას, ხოლო საწარმოებისა და ორგანიზაციების გამოკვლევა – მხოლოდ ფორმალურ სექტორს. • სამუშაო ძალის გამოკვლევის საფუძველზე გაანგარიშებული შეუსწორებელი გენდერული სახელფასო სხვაობა ფარავს 15-64 წლის ასაკის მოსახლეობას, ხოლო საწარმოებისა და ორგანიზაციების გამოკვლევის შემთხვევაში ასაკობრივი შეზღუდვა არ გამოიყენება.
15.4. თანამიმდევრულობა – შიდა
მონაცემები თანამიმდევრულია.

16. დანახარჯები და დატვირთვა
2024 წელს სამუშაო ძალის გამოკვლევის ბიუჯეტმა 797.4 ათასი ლარი შეადგინა. სამუშაო ძალის გამოკვლევის ინტერვიუს საშუალო ხანგრძლივობაა 15 წუთი.

17. მონაცემთა გადასინჯვა
17.1. მონაცემთა გადასინჯვა – პოლიტიკა
სტატისტიკურ მონაცემთა გადასინჯვის პოლიტიკა ხელმისაწვდომია საქსტატის ვებსაიტზე: https://www.geostat.ge/media/60949/Revision-policy-and-error-correction_2024.pdf
17.2. მონაცემთა გადასინჯვა – პრაქტიკა
მონაცემთა გეგმიური გადასინჯვა არ ხდება.

18. სტატისტიკური დამუშავება
18.1. პირველადი მონაცემები
შესწორებული გენდერული სახელფასო სხვაობის მონაცემების წყაროს წარმოადგენს სამუშაო ძალის გამოკვლევა. შერჩევის ჩარჩოს წარმოადგენს მოსახლეობის საყოველთაო აღწერის მონაცემთა ბაზა. შინამეურნეობების შერჩევა ხორციელდება ორ ეტაპად. თითოეულ რეგიონში საქალაქო და სასოფლო ტიპის დასახლებები განისაზღვრება როგორც შერჩევის ძირითადი სტრატა. შერჩევის პირველადი ერთეული არის სააღწერო უბანი, შერჩევის მეორადი ერთეული – შინამეურნეობის მისამართი. თითოეულ სტრატაში სისტემურად შეირჩევა განსაზღვრული რაოდენობის სააღწერო უბნები სტრატის ზომის პროპორციული

ალბათობით. შერჩეული სააღწერო უბნების წინასწარი შემოვლის (აქტუალიზაციის) შემდეგ თითოეული სააღწერო უბნიდან სისტემურად შეირჩევა შინამეურნეობების განსაზღვრული რაოდენობა. შერჩეული შინამეურნეობების გამოკითხვა 2-(2)-2 სქემის მიხედვით. როტაციის ამ სქემის მიხედვით შერჩეულ მისამართზე მცხოვრებ შინამეურნეობაში ინტერვიუ ტარდება ზედიზედ ორ კვარტალში. შემდეგ ორ კვარტალში ამ მისამართზე გამოკითხვა არ ტარდება, ხოლო შემდეგი 2 ინტერვიუ ტარდება მომდევნო წლის იმავე კვარტალებში. შერჩეული შინამეურნეობები გამოკითხება 4-ჯერ 18 თვის განმავლობაში. ყოველკვარტალურად ხდება შერჩევის 1/4-ის განახლება.
18.2. მონაცემთა შეგროვების სიხშირე
მონაცემები გროვდება ყოველთვიურად.
18.3. მონაცემთა შეგროვება
2021 წლიდან მონაცემთა შეგროვების მეთოდს წარმოადგენს პლანმეტური კომპიუტერების გამოყენებით პერსონალური ინტერვიუს ჩატარება (CAPI). საველე სამუშაოები იწყება ყოველი თვის 8 რიცხვიდან და გრძელდება თვის ბოლომდე. სამუშაო ძალის გამოკვლევაში გამოიყენება 3 კითხვარი: 1) დემოგრაფიული კითხვარი შინამეურნეობის წევრების ძირითადი დემოგრაფიული მაჩვენებლების შესაგროვებლად; 2) ძირითადი კითხვარი, რომელიც განკუთვნილია თითოეულ შერჩეულ შინამეურნეობაში მცხოვრები 15 წლის და უფროსი ასაკის პირებისთვის; 3) უარების ფურცელი – გამოუპასუხებლობის ფორმა უარების მიზეზების დასაფიქსირებლად. კითხვარების ელექტრონული ვერსია განთავსებულია საქსტატის ვებსაიტზე: https://www.geostat.ge/ka/modules/categories/562/samushao-dzalis-gamokvleva
18.4. მონაცემთა კონტროლი
მონაცემთა კონტროლი ხორციელდება რამდენიმე ეტაპად: • გამოკვლევის ელექტრონული კითხვარებში ინტეგრირებულია ძირითადი ლოგიკური კონტროლები, რის საფუძველზეც პროგრამული უზრუნველყოფის საშუალებით მყისიერად ხდება ინტერვიუს დროს დაშვებული შეცდომების იდენტიფიცირება. • საწყის ეტაპზე საველე სამუშაოების ზედამხედველები ახორციელებენ ინტერვიუერების მიერ შევსებული კითხვარების პირველად ლოგიკურ კონტროლს. შეუსაბამობის ან საეჭვო მონაცემის აღმოჩენის შემთხვევაში საველე სამუშაოების ზედამხედველი გადასამოწმებლად უკან უბრუნებს კითხვარს ინტერვიუერს შესაბამისი კომენტარებით/მითითებებით. საბოლოოდ, შეუსაბამობებისგან თავისუფალი კითხვარი საველე სამუშაოების ზედამხედველის მიერ ელექტრონულად იგზავნება (შესაბამისი პროგრამული უზრუნველყოფის საშუალებით) საქსტატის სათავო ოფისში. • მომდევნო ეტაპზე კითხვარების გადამოწმება ხორციელდება საქსტატის სათავო ოფისის თანამშრომლების მიერ. ამ შემთხვევაშიც, შეუსაბამობის ან საეჭვო მონაცემის აღმოჩენის შემთხვევაში სათავო ოფისის თანამშრომელი კითხვარს უკან უბრუნებს საველე სამუშაოების ზედამხედველს შესაბამისი კომენტარებით/მითითებებით გადასამოწმებლად. • სათავო ოფისის მიერ ხორციელდება შეუსაბამობებისგან თავისუფალი კითხვარების მიღება, კოდირება (ეკონომიკური საქმიანობის სახეების ეროვნული კლასიფიკატორის და დასაქმების საერთაშორისო კლასიფიკატორის მიხედვით) და მათი ასახვა გამოკვლევის მონაცემთა ბაზაში. • საბოლოოდ ხორციელდება გამოკვლევის მონაცემთა ბაზის სიღრმისეული კონტროლი (დადგენილი წესებისა და კრიტერიუმების საფუძველზე, რომელიც ასევე მოიცავს სხვადასხვა პერიოდის გამოკითხვებს შორის კავშირების შემოწმებას) და მონაცემთა გაწმენდა. მონაცემების დაზუსტების მიზნით, საჭიროების შემთხვევაში, ხდება საველე პერსონალთან ან/და რესპონდენტთან დაკავშირება. • ბოლო ეტაპზე ხორციელდება მონაცემთა ბაზების დამუშავება და ანალიზი სოციალური სტატისტიკის დეპარტამენტის შრომის სტატისტიკის სამმართველოს თანამშრომლების მიერ.
18.5. მონაცემთა გაანგარიშება
მონაცემთა ბაზის გაწმენდის დასრულების შემდეგ ხდება აგრეგირებული მონაცემთა ბაზის ფორმირება და მონაცემების შეწონვა. მონაცემების შეწონვა ხდება სტრატის დონეზე (რეგიონისა და ქალაქ-სოფლის გათვალისწინებით). შესწორებული გენდერული სახელფასო სხვაობის მაჩვენებლების გაანგარიშება ხორციელდება SPSS პროგრამაში, ხოლო საშედეგო მონაცემები ვრცელდება MS Excel-ის და PC-Axis-ის ფორმატში.
18.6. მოსწორება
არ გამოიყენება.
19. კომენტარი
-